

卷一百五十四



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百五十四
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝
 太樂署 鼓吹署 兩京郊社署
 太卜 廩犧 汾祠 太醫署

太樂署 主簿 掌醢署 太官署 珍羞署
 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

丞 良醞署 主簿 掌醢署 太官署 珍羞署
 丞 良醞署 主簿 掌醢署 太官署 珍羞署

彩色首頁1

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

杜氏通典卷第一百五十四

兵七

佯敗引退取之

偽稱敗怠敵取之

引退設伏取之

聲言退誘敵破之

引退設伏潛兵襲其營

設伏引敵鬪襲其營

示退乘懈掩襲

敵退追奔

縱敵退於歸路設伏取之

兵機務速

掩襲

其言厚幣乘懈襲之

孫子曰佯北勿從

北奔走也敵方戰形勢未衰便奔走而陣兵者必有奇伏勿深入從

之故太公曰夫出甲陣
兵從卒亂所以多為變

佯敗引退取之

春秋時晉楚戰于城濮楚將子玉從晉師晉師陣于
莘北胥臣以下軍之佐當陳蔡子玉以若敖之六卒
將中軍曰今日必無晉矣鬬宜申將左鬬勃將右晉
裨將胥臣蒙馬以虎皮先犯陳蔡陳蔡奔楚右師潰
陳蔡屬 楚右師狐毛設二旆而退之旆大旗也又建一旆而退使若大將稍卻者
欒枝使輿曳柴而偽遁曳柴起塵詐偽象走楚師馳之原軫卻
溱測中以中軍公族橫擊之公族公所帥之軍狐毛狐偃以
上軍夾攻之楚左師潰楚師敗績子玉收其卒而止
故不敗晉師三日館穀軍穀三日○春秋時楚將

鬬廉帥師及巴師圍鄧鄧將養甥帥師救鄧三

逐巴師不克鬬廉衡陣其師於巴師之中以戰而北

衡橫也分巴師為二部鬬廉衡陣於其門以與鄧師戰而偽北走也鄧人逐之背巴

師而夾攻之楚師偽走鄧師逐之背巴師自然還與戰鄧師大敗

鄧人宵潰宵夜戰國秦師伐趙趙以趙奢之子代廉頗

為將拒秦將王齧恨勿於長平秦王聞之乃陰使武

安君白起為上將軍而王齧為裨將軍令軍中有敢

洩武安君者斬馬服子至則出兵擊秦軍秦軍佯敗

而走張二奇兵以劫之趙軍遂勝追造秦壁堅拒不

得入而秦奇兵一萬五千人絕趙軍後又一軍五千

騎絕趙壁間趙軍分而為二糧道絕而秦出輕兵擊之

趙戰不利因築堅壁守以待救至秦王聞趙食道絕王自之河內賜民爵各一級發年十五以上悉請長平遮絕趙救及糧食至九月趙卒不得食四十六日皆內陰相殺食來攻秦壘欲出爲四隊四伍復之不能出其時馬服子與銳卒自搏戰秦軍射殺之軍大敗卒二十餘萬人降皆坑之○漢王與諸侯兵共擊項羽決勝垓下韓信將三十萬自當之孔將軍當左費將軍當右漢王後絳侯柴將軍在漢王後項羽之卒可十萬韓信先合不利孔將軍費將軍縱楚兵退信復乘之大敗垓下○後漢初馮異與鄧禹率車騎將軍鄧弘等議攻赤眉異曰賊餘尚衆當可稍以恩

信傾難以卒用兵破也上令使諸將屯澠池要其東而異擊其西一舉取之此萬成計也禹弘不從弘遂大戰移日赤眉佯敗棄輜重走車皆戴土以豆覆其上兵士饑爭取之赤眉引還擊弘弘軍潰亂異與禹合兵救之赤眉少却異以士卒饑倦可且休禹不聽復戰大爲所敗○東晉末齊神武薨子澄立侯景叛歸梁而圍彭城澄遣慕容紹宗討之將戰紹宗以梁人剽悍恐其衆之撓也一一引將卒而誑之曰我當佯退誘梁人使前汝可擊其背申明誠之景又命梁人曰逐北勿過二里會戰紹宗實敗走梁人不用景言乘敗深入魏人以紹宗之言爲信爭襲擊遂大敗

之○西魏末遣將史寧與突厥木汗可汗同伐吐谷
渾俱會於青海寧謂木汗曰樹敦賀真二城是吐谷
渾巢穴今若拔其本根餘種自然離散乃上策也木
汗從之即分爲兩軍木汗從北道向賀真寧趣樹敦
吐谷渾婆周王率衆逆寧寧擊之踰山履險遂至樹
敦即吐谷渾之舊都多諸珍藏而其王先已奔賀真
留其征南王及數千人固守寧進兵攻之偽退吐谷
渾人果開門逐之因廻兵奮擊門未及闔寧兵遂得
入生獲其征南王俘虜男女財寶盡歸諸突厥

偽稱敗怠敵取之

隋末楊玄感反攻東都刑部尚書衛玄與玄感戰兵
始會玄感詐令人大呼曰官軍已得玄感矣官軍稍
怠玄感與數千騎乘之玄兵由是大潰

引退設伏取之

春秋時北戎侵鄭鄭伯禦之曰彼徒我車懼其侵軼
我也徒步兵也公子突曰使勇而無剛者嘗寇而速

去之嘗試也勇則能往無剛不耻退覆以待之覆伏也戎輕而不救貪

而無親勝不相讓敗不相救先者見獲必務進進而

遇覆必速奔後者不救則無繼矣從之戎人之前遇

覆者奔鄭將祝聃逐之衷戎師前後擊之盡殪殪於

死也衷竹仲反○爲三部伏兵祝聃帥勇而無剛者

先犯戎而速奔以遇三伏兵至後伏兵起戎還走祝
聃逐之戎前後及中○春秋時吳侵楚楚將養由
三處受敵故曰衷戎師

基奔命楚司馬子庚以師繼之養由基曰吳乘我役
謂我不能師也必易我而不戒戒子爲三覆以待我
我請誘之子庚從之戰于庸浦楚地大敗吳師○後漢
末荊州牧劉表遣劉備北侵至鄴曹公遣將李典與
夏侯惇拒之備一旦燒屯去惇率諸軍追擊之典曰
賊無故退疑必有伏南道窄狹草木深不可追也惇
不聽與將于禁追之典留守惇等果入賊裏戰不利
典往救備觀見救至乃退○十六國後趙將石季龍
攻晉將劉演于廩丘晉將邵續使文鴛救演季龍退
止廩關津以避之文鴛弗能追屯于景亭兗州豪右
張平等起其救演季龍夜棄營設伏于外揚聲將歸

河北張平以爲信然入于空營季龍迴擊敗之遂陷
廩丘○十六國夏赫連勃勃進屯依力周後秦姚興來
伐至三城勃勃率騎禦之興遣其將姚文宗拒戰勃
勃僞退伏以待之興將姚榆生等追伏兵夾擊皆擒
之○後魏萬侯醜奴作亂關中魏將賀拔岳率兵討
之岳以輕騎八百北渡渭殺掠其民以挑之醜奴大
將尉遲菩薩果率步騎二萬至渭北岳以輕騎數千
與菩薩隔水交言岳稱揚國威菩薩自言強盛往復
數返時已逼暮於是各還岳密於渭南傍水分精騎
數十爲一虞隨地形便置之明日自將百餘騎隔水
與賊相見岳漸前進先所置騎隨岳而集騎旣漸增

賊不復測其多少行二十許里至水淺可濟之處兵
便騎馬東出以奔遁賊謂岳走乃棄步兵南渡渭水
輕騎追岳東行十餘里依橫崗設伏兵待之賊以路
險不得濟進前後繼至半度崗東岳乃迴與賊戰身
先士卒急擊之賊便退走岳號令所部賊下馬皆不
聽殺賊顧見之便悉投馬俄而虜獲三千人馬亦無
遺遂擒菩薩仍渡渭北卒萬餘○大唐武德中太宗
圍王世克於東都竇建德自河北率兵十二萬來救
太宗自率騎二千五百步卒千人趣武牢四月建德
自榮陽西上策壘于坂渚太宗以五百騎出武牢東
二十餘里將挑戰先伏李勣程咬金秦叔寶傲五令

尉遲敬德執稍建德壘下大呼致師賊衆大驚撓出
兵數千騎太宗遂巡漸却遂引賊以入伏內李勣等
奮擊大破之獲其大將殷秋石瓚昨早反斬首數百級
聲言退誘敵破之

後漢西域莎車國王不供將兵長史班超發于闐踈
勒諸國二萬五千人擊之莎車求救龜茲王遣將發
温宿姑墨尉頭合五萬人助之超召諸相及于闐踈
勒王議曰兵少不敵莫如各解散去于闐從此東歸
長史亦從此西歸夜半聞鼓聲便發衆皆以爲然乃
陰緩所擒得生口歸以超言告龜茲王聞之喜使其
將以萬騎於西界遮超温宿王將八十騎於東界遮

于闐王入定後超密令諸司馬勒兵至鷄鳴馳赴沙
 車軍營掩覆之胡皆驚走斬首五千級沙車遂降○
 十六國後涼呂光遣將呂延伐西秦乞伏乾歸大敗
 之乾歸因泣歎曰死中復生正在今日也乃縱反間
 稱乾歸東奔成紀呂延信之引師輕進延司馬耿雅
 諫曰乾歸雄勇過人權略難測破王廣克楊定皆羸
 師以誘之雖敢爾小國藏左亦不可輕也因獸猶關
 况乾歸而可覩風自散乎今宜部陣而前部騎相樓
 徐俟諸軍大集可以一舉滅之延不從戰敗死○十
 六國北凉沮渠蒙遜伐西凉李士業於酒泉先攻浩
 音豐暗有蛇盤於帳前蒙遜笑曰大之為騰蛇今盤

在吾帳前天意欲吾迴師燒攻具而還次于川巖間
 李士業徵兵欲攻張掖蒙遜曰入吾計矣但恐聞吾
 迴軍不敢前也兵事尚權乃露布西境稱得浩豐將
 進軍士業聞而大悅進入都瀆澗蒙遜潛軍逆之敗
 士業于懷城遂進克酒泉○東晉末妖賊孫恩北出
 海鹽宋武帝為將築城于海鹽賊日來攻城城內兵
 力甚弱宋武獨深慮之一夜偃旗匿衆若已遁者明
 旦開門使羸疾數人登城賊遙問宋武所在曰夜已
 走矣信之乃率衆大上宋武乘其懈怠奮擊大破之
 ○後魏大武征夏赫連昌於統萬城師次城下收衆
 偽退昌鼓譟而前會有風雨從東南來沙塵昏冥宦

者趙兒進曰今風雨從賊後來我向彼背天不助人
將士饑渴願陛下避之更待後日崔浩曰是何言歟
千日制勝一日之中豈得變易賊前行不止後已離
絕宜分軍隱出掩擊不意風道在人豈有常也帝從
之分騎奮擊昌軍大潰

引退設伏潛兵襲其營

漢王遣將韓信擊趙趙師拒于井陘信與趙軍戰良
久棄旗鼓走趙空壁逐信信先遣奇兵二千騎持漢
赤幟從間道依山潛伏候趙壁空馳入乃拔趙幟立
漢幟二千趙軍既攻信不克歸營見之遂驚潰走○
隋末羣盜起隋將張須陁擊盧明月於下邳賊連營

十萬須陁卒萬人勢力不敵去賊六七里地立柵相
持經十餘日糧盡將退謂將士曰賊見兵却必輕來
追我其衆若出營內卽虛歛以千人襲營可有大利
此誠危險誰能去者入皆莫對唯秦叔寶與羅士信
皆曰願行於是須陁委柵而遁使二人分領千兵潛
伏於草莽旣而明月悉兵追之叔寶士信馳至其柵
柵門閉不得入二人超昇其樓拔賊幟各殺數人營
中大亂叔寶斬關而納外兵因散縱火焚其三十餘
柵煙焰漲天明月奔還須陁却逐之大破賊衆明月
以數百騎遁去餘皆虜之

設伏引敵關襲其營

隋末李密擊宇文化及精兵良將多有死傷王世克
在東都乘其弊而擊之率步騎三萬營於洛南李密
軍於偃師世克潛遣二百騎夜伏於邙山自統其衆
逢明度水入奔馬馳以襲密營遽出兵以拒之陣未
成兩軍以合伏兵於北山中乘高而下馳入密營燒
其廬舍密見營中火發因而遁走

示退乘懈掩襲

後漢末曹公征張魯至陽平張魯使弟衛據陽平關
橫山築城十餘里攻之不拔乃引軍還賊見大軍退
其守備懈公乃密遣驍將等乘險夜襲大破之○後
魏將慕容白曜南征宋以酈範爲副師次無鹽宋將

申纂憑城拒守議者僉以攻具未周不宜便進範曰
今輕軍遠襲深入敵境無宜淹留久稽機候且纂必
以我軍來速不在攻守謂方城可憑弱卒可恃今若
外潛威形內整戎旅密勵將士出其不意可一攻而
克之白曜遂潛軍偽退示以不攻纂果不設備於是
卽夜部分晨便騰城崇朝而尅○後魏末幽州刺史
劉靈助以莊帝被爾朱兆所弒遂舉兵倡義諸州豪
右咸相通結靈助進屯於定州之安國魏遣將叱列
延慶討之諸將謂延慶曰靈助善於卜占百姓信惑
所在響應未可易圖若萬一戰有利鈍則大事去矣
未若還師西入據關拒險以待其變延慶曰劉靈助

庸人也天道深遠豈其所識大兵一臨且彼皆恃其妖術坐着符厭寧肯戮力致死與吾爭勝負哉如吾計者正欲出營城外詭言西歸靈助聞之必信而自寬潛軍往襲可一舉而擒乃出頓城西聲云將還簡精騎一千夜發詰朝造靈助壘戰於城北遂破擒之○西魏末宕昌羗獠甘作亂逐其王彌定魏遣將史寧討破之甘將百騎走投生羗鞏廉王彌定遂得復位寧以未獲獠甘密欲圖之乃揚聲欲還甘聞之復招引叛羗依山起柵欲攻彌定寧謂諸將曰此羗入吾術中當進兵擒之耳諸將思歸咸曰羗之聚散無常依據山谷若今追討恐引入吾城且彌定還得守

潘將軍功已立矣獠甘勢弱定能制之以此還軍策之上者寧曰一日縱敵數世之患豈可捨重滅之寇更煩再舉人臣之禮知無不爲比觀諸君不足與計事也如更沮衆寧豈不能斬邪遂進軍獠甘衆亦至與戰大破之生獲獠甘并獲鞏廉王○隋遂州獠反隋將周法尚討之軍將至賊棄州城走散山谷間法尚捕不能得於是遣使慰喻假以官號僞班師自行二十里軍再舍潛遣人覘之知其首領盡聚飲相賀法尚選步騎數千人襲擊破之

敵退追奔

後漢末曹公征張繡於穰一朝引軍退繡自追之賈

詡謂繡曰不可追必敗繡不從大敗而還詡謂繡曰
更追之必勝繡曰不用公之言至於此今已敗奈何
復追詡曰兵勢有變亟力往必利繡信之遂收散
卒赴追戰果以勝還問詡曰繡以精兵追退軍而公
曰必敗及以敗卒擊勝兵而公曰必勝悉如公言何
其皆驗詡曰此易知耳將軍雖善用兵非曹公敵也
軍新退曹公必有繼後追兵雖精兵既不敵彼士亦
銳故知必敗曹攻將軍無失策力未盡而退必國內
有故已破將軍必輕車速進留諸將繼後諸將雖勇
亦非將軍敵故雖用敗兵而戰必勝也繡大服○後
周大將晉公護東伐高齊遣將尉遲迴圖洛陽為敵
所敗周將達奚武與齊王憲於邙山禦之至夜收軍
憲欲待明更戰武欲還固爭未決武曰洛陽軍敗人
情駭動若不因夜速還明日欲歸不得武在軍旅久
矣備見形勢大王少年未經軍事豈可將數營士衆
一旦棄之乎憲從之遂全軍而返齊人不悟而○大
唐魏公李靖兵法曰諸戰銳等隊打賊敗其駐隊隊
別量抽驍健二十人逐北其輜重隊遙叫作聲援不
得輒動跳盪隊奇兵隊趁賊退不得過百步如審知
賊徒敗散仍須取機追逐

縱敵退於歸路設伏取之

孫子曰激水之疾至於漂石者勢也言水性柔弱石性剛重至於漂

轉大石投之於下皆出鷲鳥之疾至於毀折者節也
急疾之流激得其勢 鷲鳥之疾至於毀折者節也
發起計敵如鷹鷂之所搜撮也必挫折禽獸者皆由
伺候之明邀得屈折之節也王子曰鷹準一擊百鳥
無以爭其勢猛虎一不責於人中言勝負之道自圖於
奮萬獸無以爭其威 不責於人中言勝負之道自圖於
穆強使力進也若秦故能擇人而任勢也能簡置於
穆悔過不替孟明也 故能擇人而任勢也能簡置於
人任已之勢者其戰人也如轉木石木石之性安則
形勢也 勢者其戰人也如轉木石木石之性安則
靜危則動言投之安地則安投之危方則止圓則行
任勢自然也方圖之 故戰人之勢如轉圓石於千仞
形由兵勝負之形 故戰人之勢如轉圓石於千仞
之山者勢也 言形勢是以善戰者其勢險險猶 其節
短短近也節斷也短近言九 勢如彊弩節如發機在內不
短能因危取勝以遠擊近 勢如彊弩節如發機在內不
遠發則中曠張也言形勢之曠如弩之張奔擊之易
如機之發也故太公曰擊之如發機以所及精也
然用兵之法莫難於軍爭 從始受命至於交和軍多
難也軍門謂之和門兩軍



對爭交門而止先據便利地最 軍爭之難者以迂為
其難者相去促近動而生變也 軍爭之難者以迂為
直以患為利 視其道里遠近故迂其塗示之而誘之
以利應從其近皆得敵情誑之以利 後人發先人
至 明於度數先此先知迂直之計者也是以軍爭為
知遠近之計 此先知迂直之計者也是以軍爭為
利眾爭為危 善者則以得利不善者則以危也言兩
軍交爭有所奪取得之則利失之則危
也 舉軍而爭利則不逮逮不及也舉軍悉行爭赴是
其利則道路悉不相逮 是
故卷甲而趨利則日夜不處 行不倍道兼行百里而
休息 倍道兼行百里而
爭利則擒三將軍 若慮上二事欲行速疾卷甲束伏
若慮上二事欲行速疾卷甲束伏
則三軍之將為敵所擒也若 勁者先罷者後其法十
秦伯擊鄭三帥皆獲是也 勁者先罷者後其法十
而一至 伏相率十有一人至軍也強弱不 五十
皆為擒也 強弱不
里而爭利則蹙上將軍其法以半至 蹙猶挫也前軍之
將以為敵所挫

三十里而爭利則三分之二至

道近至者多故無死敗古者用師日行三十

里步騎相須今走而趨利三分之二至以是知軍爭之難○高齊將段

韶與左丞相斛律光率師伐後周五月攻服周人於

姚襄城南更起城鎮東接定陽又作深塹斷絕行道

韶乃密抽壯士從北襲之又遣潛渡河告姚襄城中

令內外相應渡者千有餘人周人始覺於是合戰大

破之諸將咸欲攻其新城韶曰此城一而阻河三百

地險不可攻就令得之一城地耳不如更作一城壅

其要路破服秦城併加力以圖定陽計之長者將士

咸以爲然遂圖定陽其城主楊範固守不下韶登山

以觀城勢乃縱兵急攻之七月屠其外城韶謂光曰

此城三百重澗險阻並無走路唯慮東南一虞耳賊

若突圍必從此出但簡精兵專守自是成擒光乃令

壯士千餘人設伏於東南澗口其夜果如其策賊遂

出城伏兵擊之大潰範等面縛盡獲其衆

兵機務速

後漢末荀攸從曹公征呂布至下邳布敗固守攻之

不拔連戰士卒疲曹公欲還攸與郭嘉說公曰呂布

勇而無謀今三戰皆北其銳氣衰三軍以將爲主主

衰則軍無奮志且布之謀主陳宮有志而遲今及布

氣之未復宮謀之未定進急攻之布可拔也乃引沂

泗水灌城潰生擒布○蜀將諸葛亮代魏魏將司馬

宣王郭淮等禦亮張郃勸宣王分軍往雍郿音爲後鎮宣王曰料前軍獨能當之者將軍言是也若不能當而分爲前後此楚之三軍所以爲黥布擒也遂進軍喻麋亮聞大軍且至乃自帥衆將芟上邽古搆之麥諸將皆懼宣王曰亮慮多決少安營自固然後芟麥吾得二日兼行足矣於是卷甲晨夜赴之亮觀塵而遁宣王曰吾倍道疲勞此曉兵者之所忌也亮不敢據渭水此易與耳進次漢陽與亮相拒宣王列陣以待之使將牛金輕騎創之兵纔接而亮退○蜀將孟達之降魏也魏朝以達領新城太守假節達於是連吳因蜀潛圖中國謀洩將舉兵司馬宣王秉政恐達

速發以書安之給音始達達得書猶豫不決宣王乃潛軍進討諸將皆言達與二賊交構宜審察而後動宣王曰達無信義此其相疑之時也當及其未定往決之乃倍道兼行八日到其城下吳蜀各遣其將向西城安橋木蘭寨以救達宣王分諸將以拒之初達與諸葛亮書曰宛去洛八百里去吳千二百里聞吾舉事當表上天子比相反復一月間也則吾城已固諸軍足辦所在深險司馬公必不自來諸將來吾無患矣及兵到達又告亮曰吾舉事八日而兵至城下何其神速也上庸城三面阻水達於城外爲水柵以自固宣王度水破其柵直造城下八道攻之旬有六日

達甥劉贇將李輔等開門出降遂斬達○十六國後秦姚萇與苻登相持萇將荀曜據迤萬堡密引苻登萇與登戰敗於馬頭原收衆復戰姚碩德謂諸將曰上慎於輕戰每欲以計取之今戰旣失利而更逼賊必有由也萇聞而謂碩德曰登用兵遲緩不識虛實今輕兵直進逕據吾東必荀曜豎子與之連結也事久變成其禍難測所以速戰者欲使豎子謀之未就好之未深散敗其事耳果大破之○姚萇與苻登相持未解登將魏褐飛自稱大將軍衝天王率互湖萬人攻萇將姚當於杏城萇將雷惡地叛應褐飛攻萇將姚漢得於李潤萇議將討之羣臣咸曰陛下不憂

六十里符卷乃憂六百里褐飛萇曰登非可卒殄吾城亦非登所能卒圖惡地多智非常人也南引褐飛東結董咸甘言美說以成奸謀若得杏城李潤惡地據控制遠近相爲羽翼長安東北非復吾有於是潛軍赴之萇時衆不滿二千褐飛惡地衆至數萬互湖赴之者首尾不絕萇每見一軍至輒有喜色羣下恠而問之萇曰今同惡相濟皆來會集吾得乘勝席卷一舉而覆其巢穴東北無復餘也褐飛等以萇兵少盡數來攻萇固壘不戰示以弱潛遣子宗率騎數百出其不意以乘其後褐飛兵擾亂萇遣將王超等率步騎擊之褐飛衆大潰斬褐飛惡地請降萇待之如

初○東魏荊州刺史辛纂據穰城西魏將楊忠從獨
 孤信討之纂迎戰敗走信令忠為前驅馳至其城叱
 門者曰今大軍已至城中有應爾等求活何不避走
 門者盡散忠乘城而入彎弓大呼纂兵衛百餘人莫
 之敢禦遂斬纂以徇城中懾伏○隋末高祖義師發
 太原次靈石縣賈胡堡隋將宋老生率精兵二萬屯
 霍邑以拒之會久雨糧盡與長史裴寂及諸將議曰
 宋老生頭霍邑屈突通鎮河東二人同心非造次可
 進欲且還太原以圖後舉太宗曰本興大義以救蒼
 生當須先入咸陽號令天下今遇小敵便即班師將
 恐義徒一朝解體還守太原一城之地此為賊爾何

以自全高祖乃止太宗引師赴霍邑遂平老生○大

唐武德中太宗征薛仁果其將宋羅喉來拒大破於

淺水原因率左右二十餘騎追奔直趣折反思曆壙怨

反以乘之仁果列陣城下太宗據涇水以臨賊賊徒

氣阻無敢進戰其驍將渾翰等數人臨陣來降請還

取馬太宗縱遣之於是各乘良馬須臾並至仁果大

懼嬰城自守太宗俱知賊中虛實將夕大軍繼至四

面合圍因縱辯士諭以禍福未遇遂開門降旣而諸

將奉賀因問曰始大王野戰破賊其主尚保堅城王

無攻具輕騎騰逐不待步兵徑薄城下咸疑不尅而

竟下之何也太宗曰此以權道追之使其計不暇以

發故尅也羅喉恃往前之勝兼復養銳日久見吾不出意在相輕今喜吾出悉兵來戰吾雖破之擒殺蓋少若不急躡遠走拔城仁杲收而撫之則便未可盡矣且其兵衆皆隴西人一敗被追不及廻顧散歸隴外則折塹自虛我軍隨而追之所以懼而降也此可謂成算諸君蓋不及也○武太后初徐敬業舉兵於江都稱匡復皇家以蓋屋尉魏思溫爲謀主問計於思溫對曰明公旣以太后幽繫少主志在匡復兵貴拙速但宜早度淮北親率大衆直入東都山東將士知公有勤王之舉必以死從此則指日刻期天下必定敬業將從其策薛璋又說曰金陵之地王氣已見

宜早應之兼有大江設險足可以自固請且攻取常潤等州以爲王霸之業然後率兵北上鼓行而前此則退有所歸進無不利實爲良算也敬業以爲然乃自率兵四千人南渡以擊潤州思溫密謂杜求仁曰兵勢宜合不可分今敬業不知并乃欲度淮率山東之衆以取洛陽必是無能成事命也可知敬業尋以悔之所以遂敗○衛公李靖兵法曰用兵上神戰貴其速簡練士卒申明號令曉其目以麾幟習其耳以鼓金嚴賞罰以誠之重蒞秦以養之浚溝壑以防之指山川以導之召才能以任之述奇正以教之如此則雖敵人有雷電之疾而我亦有所待也若兵無先

備則不應卒卒不應則失於機失於機則後於事後於事則不制勝而軍覆矣故呂氏春秋云凡兵者欲急捷所以一決取勝不可久而用之矣或曰兵之情雖主速乘人之不及然敵將多謀戎卒欲輯令行禁止兵利甲堅氣銳而嚴力全而勁豈可速而犯之邪答曰若此則當卷迹藏聲蓄盈待竭避其鋒勢與之持久安可犯之哉廉頗之拒白起守而不戰宣王之抗武侯抑而不進是也

掩襲

後漢末廬江太守劉勳理皖城今同安郡恃兵強士勇橫於江淮之間無出其右者孫策惡之時已有江右自

領會稽太守使人卑辭厚幣而說之曰海昏上繚宗人數欺下國患之有年欲擊之路由不便幸因將軍神武而臨之繚國富廩實吳娃越姬克於後庭明珠大貝被於帑藏取之可以資軍雖蜀郡城都金碧之府未能過也策願舉敝邑躬率士卒以爲外援勳然之劉曄諫曰上繚雖小而城堅池深守之則易攻之則難不可旬日而拔也且兵見疲於外而國虛於內雖孫策多謀而用善兵乘虛襲我將何禦之而將軍進屈於敵退無所歸音羝羊觸藩羸力爲其角不能退不能進其在茲乎勳不從遂大興師伐上繚其廬江果爲策所襲勳窮蹙遂奔于曹公○後漢末袁紹

將許攸降曹公言曰今袁氏輜重有萬餘兩屯軍無
嚴備今以輕兵襲之不慮而至燔其積聚不過三日
袁氏自敗曹公喜選精銳步騎皆用袁氏軍旗幟銜
枚縛馬口夜從間道出入把束蕘新所歷道有問者
曰何之曰袁公恐曹操掠抄後軍還兵以益備聞者
信以爲然皆自若既至圍屯大放火營中驚亂大破
之盡燔其糧穀寶貨紹故敗○後漢末蜀將關羽遣
糜芳守南郡羽領兵圍樊吳主遣將呂蒙屯陸口蒙
外假恩信厚與關羽結好羽多留備兵南郡恐蒙有
變蒙上疏曰羽討樊而多留兵必恐蒙圖其後故也
蒙常有病乞分衆還建業以理病爲名羽聞之必徹

備徐以大軍浙江馳上襲其空虚則南郡可下而羽
易擒耳吳主然之蒙遂稱病而還建業羽果稍徹備
而悉衆赴樊城蒙發兵逆流而上伏甲於舟使更衣
爲商人以理征棹達曙兼行過羽所置屯卒輒縛之
羽遂大驚師次于南都襲奪其城羽吏士攻樊城未
下聞城已陷而家屬無恙見待甚於平時是後關兵
稍稍而散羽竟爲吳師所擒荆州遂平○東晉宋武
帝秉政劉毅爲荆州刺史每多異同之議裕率兵討
之遣裨將王鎮惡先襲至豫章口豫章口去江陵城
二十里自鎮惡進路揚聲劉蕃上先是毅稱病表請
從弟兗州刺史爲副毅謂爲信然不知見襲鎮惡自

製 複 許 不

NOT TO BE REPRODUCED

東京大学東洋文化研究所

豫章口捨船步上小將蒯恩軍在前鎮惡次之舸留
 一乙士卒散對舸岸上豎六七旗每旗下安一鼓語
 所留人計我將至城便長嚴令後有大軍次又分隊
 在後令燒江津船艦鎮惡逕前襲城語前軍若有問
 者但云劉克州至津戍及百姓皆言劉蕃實上晏然
 不疑未至城五六里逢毅親將朱顯之與十餘騎步
 從者數十欲出江津問是何人答曰劉克州至顯之
 馳前問蕃在所答云在後顯之既至畢後不見蕃而
 見軍人擔彭排戰具不入又遙見江津船艦已被焚
 燒煙焰漲天而鼓嚴之聲甚盛知非蕃上便躍馬馳
 去告毅外有大軍似從下上垂已至城江津悉被火

燒矣行命閉諸城門鎮惡亦馳進軍入緣城得入門
 猶未及下關因得大開城東門大城內毅凡有八陣
 餘已得戒嚴蒯恩入東門便北廻擊射堂前軍攻金
 城西門鎮惡入東門便直西擊金城西門軍分攻金
 城內東從舊將士猶有六隊千餘人食時就鬪至中
 晡西入退散及歸降畧盡鎮惡入城便因放火燒大
 城南門及東門金城內亦未信裕自來鎮惡至軍人
 與毅東來將士或有是父兄弟中表親者鎮惡因
 命鬪且共語衆並知劉裕自來人情離懈一更許聽
 事前陣散潰毅左右兵猶閉東門閣拒賊鎮惡慮暗
 夜自相傷犯乃引軍出統金城開其南面以退毅慮

南有伏兵三更中率左右三百餘人開北門突出城於佛寺自縊死○大唐高宗遣將薛仁貴郭待封等伐吐蕃大非川將進赴烏海仁貴謂待封曰烏海險遠車行艱澁若引輜重將失事機又破賊卽迴不煩轉運彼多瘴癘無宜久留大非川嶺上寬平足堪置柵可留二萬人作兩柵輜重並留柵內吾等輕銳倍道掩其未整卽撲滅之矣仁貴遂率衆先行至河口遇賊擊破之斬獲甚衆收其牛羊萬餘頭

其言厚幣乘懈襲之

東晉初石勒僞推奉晉幽州刺史王浚浚不疑勒於是輕騎襲幽州以火宵行至易水浚督護孫緯馳遣

白浚引軍拒勒浚將佐咸請出擊勒浚怒曰石勒來正欲羸我也敢言擊者斬乃命設饗以待之勒晨至薊北門者開門疑有伏兵先驅牛畜數千頭聲言上禮實欲填諸街巷使兵不得發浚乃懼或坐或起勒入城升其廳事命甲士執浚立之于前數其罪惡而誅之遂陷幽州○梁末侯景反陷建業高州刺史李遷仕據大皇圖逆召高梁太守馮寶寶欲往其妻洗氏止之曰刺史無故不合召太守此詐君欲爲反耳頃者京師危迫羽檄徵兵徧於郡縣刺史稱疾不赴繕甲訓兵今已備矣而更召君往必見留追君兵衆此意可知矣魚不可脫干淵泉願且勿行遣使諫

之曰身疾篤請遣妻傳意并送土物以省之彼聞喜必無防為君取之如反掌耳寶從之於是洗氏將千人皆藏短兵步擔雜物唱言琛貨先書報遷仕曰太守馮寶疾篤謹令妻洗氏傳啟并奉土貢以資軍費遷仕大悅出迎洗氏因釋擔出刃大破之遷仕脫身而遁洗氏入據其州盡收其衆

杜氏通典卷第一百五十四終

杜氏通典卷第一百五十五

兵八

避銳

堅壁持久候隙破之

堅壁挫銳

不戰挫銳

敵饑以持久弊之

因敵三鼓氣衰敗之

致敵力疲夾攻敗之

陣久疲致敗

出其不意

擊其不備

攻其不整

先設備而勝

孫子曰銳卒勿攻強而避之

避其所長也彼府庫克實士卒強盛則當謹避

以待其虛欲以弱制強不可支也少而逃之

高壁壘勿與戰也彼衆我之師寡不可敵則軍